

U skladu sa članom 22a. stav (1) Zakona o finansiranju institucija Bosne i Hercegovine („Službeni glasnik BiH“, br. 61/04, 49/09 i 42/12, 87/12 i 32/13), u svojstvu rukovodioca institucije, predsjednik Ustavnog suda Bosne i Hercegovine Mirsad Ćeman, dostavlja sljedeću

## I Z J A V U

### o odgovornosti za ostvarivanje ciljeva Ustavnog suda Bosne i Hercegovine

**A) Glavni ciljevi i aktivnosti utvrđeni Planom rada Ustavnog suda Bosne i Hercegovine za 2015. godinu ostvareni su kako slijedi:**

Redni broj	Glavni ciljevi utvrđeni Planom rada	Procenat izvršenja
<b>1.</b>	Izvršavanje nadležnosti Ustavnog suda BiH utvrđenih Ustavom Bosne i Hercegovine rješavanjem zahtjeva za ocjenu ustavnosti i apelacija na način da ustavni principi budu provedeni u praksi, odnosno da ustavna prava i slobode građana budu ostvareni u skladu sa najvišim međunarodno priznatim standardima.	u potpunosti realizovano
<b>2.</b>	Redovna analiza prakse Evropskog suda za ljudska prava i njeno ugrađivanje u odluke Ustavnog suda BiH.	u potpunosti realizovano
<b>3.</b>	Analiziranje i u skladu sa potrebama Ustavnog suda BiH prilagođavanje akata koji se odnose na unapređenje organizacije rada, kao i povećanje broja i jačanje pozicije uposlenih u Ustavnom sudu BiH.	u potpunosti realizovano
<b>4.</b>	Preduzimanje intenzivnih aktivnosti za osiguranje pune finansijske i upravne nezavisnosti i samostalnosti Ustavnog suda Bosne i Hercegovine koja se ogleda u samostalnom planiranju i predlaganju budžeta, kao i samostalnom raspoređivanju odobrenih budžetskih sredstava neophodnih za funkcionisanje i izvršavanje Ustavom utvrđenih nadležnosti Ustavnog suda Bosne i Hercegovine.	djelimično realizovano
<b>5.</b>	Preduzimanje intenzivnih aktivnosti za osiguranje sredstava neophodnih za popunjavanje upražnjenih sistematizovanih radnih mjesta	djelimično realizovano
<b>6.</b>	Sudjelovanje na okruglim stolovima, konferencijama, simpozijima i sl. s ciljem razmjene iskustava između ustavnih sudova odnosno sudova koji se bave zaštitom ljudskih prava, kao i njihovo organizovanje od strane Ustavnog suda BiH u zavisnosti od finansijskih sredstava	djelimično realizovano
<b>7.</b>	Ostvarivanje bilateralne saradnje i razmjene iskustava između ustavnih sudova regije, Evrope i šire.	u potpunosti realizovano
<b>8.</b>	Omogućavanje edukacije pravnih savjetnika sudija i	u potpunosti realizovano

	stručnih saradnika koji neposredno rade na kreiranju odluka Ustavnog suda BiH kroz sudjelovanje na odgovarajućim savjetovanjima ili sličnim programima.	
<b>9.</b>	Dalje unapređenje IT sistema kao podrška u ostvarivanju nadležnosti i radu Ustavnog suda BiH.	u potpunosti realizovano
<b>10.</b>	Preduzimanje intenzivnih aktivnosti u cilju poboljšanja i osiguranja adekvatnih smještajnih, sigurnosnih, tehnoloških i drugih uslova rada, neophodno potrebnih za funkcionisanje Ustavnog suda Bosne i Hercegovine.	djelimično realizovano
<b>11</b>	Razvijanje kvalitete i sadržaja službene web-stranice Ustavnog suda Bosne i Hercegovine.	u potpunosti realizovano
<b>12.</b>	Preduzimanje aktivnosti na realizaciji javnosti rada Ustavnog suda BiH, u skladu sa Pravilima Ustavnog suda BiH.	u potpunosti realizovano

#### **Odstupanja ostvarenog od planiranog rezultat je:**

Ustavni sud BiH je u toku 2015. godine preduzeo niz aktivnosti u cilju osiguranja pune finansijske i upravne nezavisnosti i samostalnosti Ustavnog suda Bosne i Hercegovine, koja se u prvom redu ogleda u samostalnom planiranju i predlaganju budžeta, kao i samostalnom raspoređivanju odobrenih budžetskih sredstava neophodnih za funkcionisanje i izvršavanje Ustavom utvrđenih nadležnosti Ustavnog suda Bosne i Hercegovine; aktivnosti za osiguranje sredstava neophodnih za popunjavanje upražnjenih sistematizovanih radnih mjesta, te aktivnosti u cilju poboljšanja i osiguranja adekvatnih smještajnih, sigurnosnih, tehnoloških i drugih uslova rada, neophodno potrebnih za funkcionisanje Ustavnog suda Bosne i Hercegovine.

Tako je u okviru navedenih aktivnosti Ustavni sud u 2015. godini inicirao sastanke sa Predsjedništvom Bosne i Hercegovine, sa članovima kolegija Predstavničkog doma i Doma naroda Parlamentarne skupštine Bosne i Hercegovine i sa predsjedavajućim Vijeća ministara BiH. Na sastancima je razgovarano o aktuelnim neriješenim pitanjima od važnosti za funkcionisanje Ustavnog suda BiH, te potrebama i mogućnostima da se navedene institucije, u okviru svojih nadležnosti, uključe i pomognu u rješavanju tih pitanja. Naročita pažnja posvećena je, pored ostalog, pitanjima vezanim za finansijsku i upravno-administrativnu nezavisnost i samostalnost Ustavnog suda BiH, te uslovima rada i radnog prostora koji koristi Ustavni sud BiH. Cilj navedenih razgovora bio je iznalaženje djelotvornih rješenja za konkretna pitanja kako bi se ustavna pozicija Ustavnog suda BiH definisana članom VI. Ustava Bosne i Hercegovine i Pravilima Ustavnog suda u potpunosti ostvarila.

Nadalje, navedenim institucijama su od strane Ustavnog suda dostavljeni prijedlozi potrebnih aktivnosti u kontekstu održanih razgovora, te se od istih i dalje očekuje da u okvirima svojih nadležnosti preduzmu odgovarajuće aktivnosti.

Takođe, nepotpuno realizovanje ciljeva Ustavnog suda Bosne i Hercegovine odraz je nedovoljnih finansijskih sredstava koja su Ustavnom sudu Bosne i Hercegovine odobrena Budžetom za 2015. godinu i ograničenja broja izvršilaca, što onemogućava zapošljavanje, u prvom redu neophodnog stručnog osoblja koje radi na pripremi odluka iz osnovne nadležnosti Ustavnog suda. Naime, Ustavni sud Bosne i Hercegovine je već više godina u kontinuitetu u svim svojim finansijskim dokumentima koji su se odnosili na trogodišnje budžetske periode kao i godišnje budžete kontinuirano isticao zahtjev za dodatnim brojem izvršilaca, u skladu sa stvarnim potrebama posla i svojoj organizaciji, i, shodno tome, insistirao na osiguranju budžetskih sredstava za realizaciju svojih potreba u pogledu

broja zaposlenih. U 2015. godini budžet odobreni za Ustavni sud određen je na bazi 94 izvršioca, odnosno nije prihvaćen zahtjev Ustavnog suda za potrebnim brojem izvršilaca.

**B) Sredstva odobrena Budžetom za ostvarivanje utvrđenih ciljeva u ukupnom iznosu od 5.377.313 KM utrošena su namjenski, svrsishodno i zakonito prema sljedećoj strukturi:**

Redni broj	Rashodi	Odobreno proračunom	Izvršeno
1.	Plaće i naknade	4.614.000	4.582.437
2.	Materijalni troškovi	607.206	561.471
3.	Kapitalna ulaganja	156.107	153.102
4.	Grantovi	-	-
	<b>UKUPNO</b>	<b>5.377.313</b>	<b>5.297.011</b>

**Odstupanja izvršenih od odobrenih rashoda rezultat su:**

- 1. Plaće i naknade** – Uštede su nastale uslijed višemjesečnog bolovanja nekoliko uposlenika.
- 2. Materijalni troškovi** – Uštede su nastale zbog racionalnijeg trošenja budžetskih sredstava i u vezi s tim nižih režijskih izdataka za električnu energiju i plin obzirom da je bila blaga zima, telefonskih izdataka, putnih troškova, izdaci za gorivo uslijed pada cijena goriva, kao i izdaci za tekuće održavanje- molersko, farbarskih i parketarskih radovi koji su kroz konkurenski zahtjev javnih nabavki izvršeni u znatno nižem iznosu od planiranog.

Sredstva donacije Ministarstva vanjskih poslova Kraljevine Norveške u vezi sa programom „Potpora Ustavnom sudu Bosne i Hercegovine“ koja su planirana u 2014. godini i kao druga tranša uplaćena u mjesecu augustu 2014. godine, prenesena su u 2015. godini, za potkomponente projekta „Izrada sistema za upravljanje predmetima“, „Obuka osoblja za korištenje računara i novog sistema“ koja su u potpunosti realizovana, a „Obuka IT osoblja“, većim dijelom je realizovana u 2015. godini.

- 3. Kapitalna ulaganja** - Uštede su nastale zbog ostvarenih nižih cijena nabavke opreme kroz postupak javnih nabavki.

Pošto je Ministarstvo vanjskih poslova Kraljevine Norveške u augustu 2014. godine odobrilo Ustavnom sudu Bosne i Hercegovine drugu tranšu donacije koja se odnosi na projekat „Potpora Ustavnom sudu Bosne i Hercegovine“, prenesena su sredstva u 2015. godini za planiranu nabavku izrade sistema za upravljanje i prikaz sadržaja web stranice Ustavnog suda BiH, nabavku računara, laptopa, konvertibilnih laptopa, te multifunkcijskih uređaja i printera, kao i opreme za simultano prevođenje i snimanje, koja su u potpunosti realizovana u 2015. godini.

**C) Uspostava i provođenje sistema finansijskog upravljanja i kontrole zasnovane su na podlogama iz čl. 33b. i 33c. Zakona o finansiranju institucija Bosne i Hercegovine, i to:**

Sistem finansijskog upravljanja i kontrole, u skladu sa internim aktima Ustavnog suda, čiji se popis dostavlja u prilogu ove izjave, je uspostavljen i obuhvata sve programe i procese u radu Ustavnog

suda na način koji osigurava revizorski trag za finansijske i sve druge transakcije koje su izvršene u obračunskom periodu.

Predsjednik Ustavnog suda je, shodno članu 33e. stav (1) Zakona o finansiranju institucija Bosne i Hercegovine, donio Odluku broj P 231/15–I od 30. 5. 2015. godine o prenosu ovlaštenja za uspostavljanje, održavanje i redovno ažuriranje sistema finansijskog upravljanja i kontrole u Ustavnom sudu Bosne i Hercegovine.

Ustavni sud Bosne i Hercegovine je izradio Izvještaj o finansijskom upravljanju i kontroli u Ustavnom sudu Bosne i Hercegovine za 2015. godinu, broj P3-94/16, i dostavio ga Centralnoj harmonizacijskoj jedinici Ministarstva finansija i trezora BiH.

Sarajevo, 29. 2. 2016. godine

Predsjednik  
Ustavnog suda Bosne i Hercegovine  
Mirsad Ćeman